

Uunga siunnersuut: Inuussutissarsiutigalugu ingerlatsisunut takornarialerineq zone-nullu immikkoortitsineq pillugu Inatsisartut inatsisaat

*Inuutissarsiornermut, Niuernermut, Aatsitassanut, Inatsisit Atuutsinnejnarnerannut
Naligiissitaanermullu Naalakkersuisumit saqqummiunneqartoq*

pillugu

Inuussutissarsiornermut Aatsitassanullu Ataatsimiitaliap

siunnersuutip pingajussaaneerneqarneranut

ILASSUTITUT ISUMALIUTISSIISUTAA

Ataatsimiitaliap suliarinninnermini [kingullermik] ilaasortarai:

Inatsisartunut ilaasortaq Karl Tobiassen, Siumut, Siulittaasoq
Inatsisartunut ilaasortaq Bentriaraq Ottosen, Atassut, Siulittaasup tullia
Inatsisartunut ilaasortaq Kristian Jeremiassen, Inuit Ataqatigiit,
Inatsisartunut ilaasortaq Mariane Paviaisen Jensen, Inuit Ataqatigiit
Inatsisartunut ilaasortaq Lars Poulsen, Siumut
Inatsisartunut ilaasortaq Kuno Fencker, Siumut
Inatsisartunut ilaasortaq Pele Broberg, Naleraq

Ataatsimiitaliap UKA 2024-p ingerlanerani oktoberip ulluisa 15-ianni aappassaaneerinninnerup kingorna siunnersuut misissuataarpaa.

Ilisimatitsiffiusumik ataatsimiinneq

Inuussutissarsiornermut, Niuernermut, Aatsitassanut, Inatsisit Atuutsinnejnarnerannut Naligiissitaanermullu Naalakkersuisoq ilisimatitsiffiusumik ataatsimeeqateqarnissamik kissaateqarpoq tamannalu 20. Novemberimi ingerlanneqarpoq.
Ataatsimiinnermi atortut ilanngussatut 1-tut ilanngunneqarput.

Ataatsimiitaliap siunnersuummik suliarinninner

Ataatsimiitaliap piginnittuunermut piumasaqaateqarnissamik inassuteqarnerata piviusunngortinnissaanut unammillernartoqarnera Naalakkersuisup nassuaatigaa.
Tamanna tunngavigalugu ataatsimiitaliap inassuteqaatit ilusaat imarisaallu naleqqussaavigai.

Ataatsimiititaliap inassuteqaatai

1. Ataatsimiititaliami amerlanerussuteqartut Inuit Ataqatigiit, Siumup Atassutillu ilaasortaatitaasa piginnittussaanermut piumasaqaatip sakkortusineqarnissaa Naalakkersuisunut kaammattuutigaat, taamaalilluni inuit inatsisilerinikkullu inuttut isigineqarsinnaasut kalaallnik piginneqataassuteqarnissap minnerpaaffissaa 2/3-mut aalajangersarneqassasoq.
2. Ataatsimiititaliami amerlanerussuteqartut Inuit Ataqatigiit, Siumup Atassutillu ilaasortaatitaasa Naalakkersuisunut kaammattuutigaat pineqaatissiarnermut aalajangersakkat allanngortinneqaqqullugit nalinginnaasumik mianersuaalliorneq akiliisitaanermik aamma pineqatissiissutaasalersillugu.

Allatigut

Takornariartitsiarnermik inuussutissarsiuteqarnerup najukkanit aallaaveqarnissaa qularnaarniarlugu Naalakkersuisut ingerlaavartumik suliaqarnissaat ataatsimiititaliap pingaartutut isigivaa. Inatsisit allat najukkani ingerlataqartut illersorneqarnerinut sunniuteqarsinnaasut nutartereqarnissaat Naalakkersuisut isumaliutigissagaat ataatsimiititaliap ilanngullugu kaammattuutigaa. Tamatumani minnerunngitsumik akileraartarnermut inatsiseqartitsinermi malittarisassat, ingerlatseqatigiiffiit iluini niueqatigiinnermut akigitinneqartartut (transferpricing) sakkortusineqarnissaat ilanngullugu, eqqarsaatigineqarput.

Taamatut oqaaseqarluni isumaliutissiisummilu allassimasutut paasinnilluni ataatsimiititaliap siunnersuut pingajussaaniigassanngortippaa.

Karl Tobiassen
Siulittaasoq

Bentiaraq Ottosen
Siulittaasup tullia

Mariane Paviassen Jensen

Kristian Jeremiassen

Lars Poulsen

Kuno Fencker

Pele Broberg